

Сказание о премудром бражнике¹

Бысть некий человек именем бражник, безпрестани пиюще по вся дни живота своего и не имея праздников господских. А за всяким ковшем господа бога прославлял и никакова дни не пропустил. И повеле господь бражникову душу от тела его взяти и посла ангела своего разлучити душу его от тела. И взя ангел бражникову душу и постави ю у врат раю небесного, идеже праведнии водворяются, а сам ангел пошел.

Бражник же у врат раю нача толка[л. 388]тися. И прииде ко вратом раю Петр, верховный апостол, и рече: „Кто у врат раю толкается?“. Бражник же рече: „Аз есмь бражник, хощу с вами в раю быти“. Отвещав же Петр апостол: „Здесь бражником не входимо. Бражником и корчемником уготована мука вечная“. Бражник же рече: „А ты, господине, кто еси? Глас твой слышу, а имени тебе не вем“. Петр же рече: „Аз есмь Петр, верховный апостол. Господь бог дал мне ключ царствия небесного, а бражником в рай не входимо“. Бражник же рече: „Господине Петре, а ты за что в раю? За то тебе господь дал ключ, что ты при распятии господни Христа трижды отрекся? Аще бы тебе не слезы помогли, и ты сам в раю не был. А меня ты, православного христианина, в рай непустишь. Аз есмь бражник, пиюще всегда рано и поздно и не имея праздников господских, а за всяким ковшем господа бога прославлял, а не отрекся Христа“. Петр же подивися тому ответу мудрому и отиде проч посрамлен.

Бражник же еще нача у врат раю толкаться. И прииде [л. 388 об.] ко вратом раю Павел, верховный апостол, и рече: „Кто у врат раю толкается?“. Бражник же рече: „Аз есмь бражник, хощу с вами в раю быти“. Павел же рече: „Здесь бражником не входимо. Бражником и корчемником уготована мука вечная“. Бражник же рече: „А ты, господине, кто еси? Глас твой слышу, а имени тебе не вем“. Павел же рече: „Аз есмь Павел, верховный апостол, мирскую землю в крещение ввел“. Бражник же рече: „Господине Павел, помнишь ли ты, когда тебе господь дал учить верующих во Христа, а ты Стефана первоученика и первозванного побил камением? И ты, господине, за что меня в рай непустишь? Аз есмь бражник, пиюще всегда рано и поздно и не имея праздников господских, а за всяким ковшем господа бога прославлял, а камением никого не побил до смерти“. Павел же подивися тому ево мудрому ответу и отиде проч посрамлен.

Бражник же еще нача у врат раю толкаться. И прииде ко вратом раю царь Давид и рече: „Кто у врат раю толкается?“. Бражник же рече: „Аз есмь бражник, [л. 389] хощу с вами в раю быти“. Царь же Давид рече: „Отче, не трудися, и ты б себе богу молился, уготовал бы себе царство небесное, а то себе уготовал муку вечную, и ты, господине человече, отиде прочь, не томися“. Бражник же рече: „А ты, господине, кто еси? Глас твой слышу, а имени тебе не вем“. Царь же Давид рече: „Аз есмь царь Давид“. Бражник же рече: „Господине царь Давид, помнишь ли ты, когда слугу своего Урия послал на службу и

¹ Печатается по рукописи третьей четверти XVII в. Калининского областного архива, № 916. Настоящий список является одним из старших из известных текстов „Сказания“ и одним из лучших по исправности, чем и оправдывается его опубликование. Текст передается по упрощенной орфографии, но с сохранением фонетических особенностей.